

NAMIBIA SENIOR SECONDARY CERTIFICATE

FIRST LANGUAGE OSHIKWANYAMA ORDINARY LEVEL

4105/1

PAPER 1 Reading and Directed Writing

2 hours 30 minutes

Marks 70

2019

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KOVAHONGWA

- Nyola omanyamukulo oye mEmbo lOmanyamukulo olo wa pewa.
- Nyola Onomola yOsenda, Onomola yEkonakono nEdina loye kEmbo loye lOmanyamukulo.
- Nyola nopena imbulau ile ilaula.
- Ino longifa okadimifo komeva.
- Nyamukula omapulo **aeshe**.
- Kotokela esipelo loitya, elongifonawa loileshifo netungo lomatumbulo.
- Omwaalu waitwa owa yandjwa moikondekifombine [] konima yepulo keshe ile yoshitukulwa shepulo.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

OSHITUKULWA SHA-A

Lesha nawa okaleshwa taka shikula, ndele to nyamukula omapulo taa ka pulwa.

Okaleshwa 1

Okutembukila kOvaafrika koilongo yokOuninginino, emanepo lefimbo

Oilongo yOvaeuropa paife ya ninga omalukalwa ovahongi dingi vomoiputudilo yopombada ovo tava longo, ongovakeleli vomaliko. Ovafitaongalo otava hauluka ovakwaneongalo ve li mengwangwano, va ka ninge ovashingi veetexi moilando yOvaeuropa. Ovashingifi vomomapandavanda otava fiye po outala, va ka ninge ovawapaleki moilando yOvaeuropa.

Oshike tashi eta omukalondjiihilile womatembu aa? Omudo keshe, Ovaafika omayovi onghene ngaho tava ningi uha umbaumba ku yashe tava kendabala okukonga ouxupilo uxwepo moilando yaEuropa. Shi nyemateka unene, ovanyeumbo tava hauluka ovakulukadi nounona vavo, tave va fiye tava mono oixuna va ka konge ouxupilo. Ovanyeumbo ihava longo ova fiilwa ounona tava fi ondjala eshi ovakulukadi va shuukila koilando yokoEuropa va ka konge oimaliwa yongushu.

Otu na tuu oufemba ongovadali tu hauluke omaludalo ehe li mepashukilo nokutaulukila koilongo tu ka konge oonyuni womaadi nomashini taa kunguluka? Kashi li pauyuuki. Otu li mounyuni wa dundakana, uhe na oufikepamwe paliko nowe liyambapaleko. Vahapu ova tokola okukufa eenghatu dokulixupula nokuliekelela moshiponga nomoupyakadi, nomoufyoona, meudifonya meenghandabala dokulininga ovayeni va hovele onghalamwenyo ipe mounailongo nomonghalo ya nyaa keonga omo ve na okulonga noudiinini ve dulife ovakalimo vomoshilongo omo ve li, va xupe.

Omaxupilo omenenedu laAfrika eshi a hovela taa ende taa shongola, ponhele Ovaafrika va kufe ombinga momahoololo, ova kufa eepasporta davo, ndele tava ningi shi tika shi ye. Oushili woipwaendo ei, osho we uya pouyelele. Vamwe vomOvaafrika, opo ova fike koEuropa, ove na okutauluka ombuwa yaMorocco, oyo ya nyika oshiponga.

Ovelao ohave lihange moCeuta, mekololo laSpain li li komunghulofuta waMorocco. MoCeuta ohava kwatwa po ndele tave li kalekelwa, va teeleele va pangulilwe okuya moSpain shihe li paveta. Omakipa ovanamupya oo inaa ilwa ko a ka pakwe, ohaa fyaala koshi yefuta laMediterranean. Eenhembuki ovapamhadali novalixupuli kutya nee oatomheno avo elipipo, otava danauka shaashi otava i moita nondavi. Ova pumbwa owino, omalalakano, omukumo nomatokolo va dimbwe onakudiwa, vo va palamene onakwiwa.

Omuwambo okwa tile, "oshifi ohashi shikula omhadi", meedula donale ovatembuki Ovaafrika ova li hava i koEuropa nomalalakano oku ke lihonga. Paife Ovaafrika ohava tembukile koEuropa nelalakano ve ke limonene eeuro. Meemhito dimwe Ovaafrika, ova nanwa komadiladilo okuya koEuropa, va ka longe nokwoongela oimaliwa ya wana, va xwepopaleke onghalo koilongo yavo. Oshimaliwa kashi na onghulunhu, ohashi nane keshe umwe mounyuni; kashi na nee kutya owoluvala lilipipo ile oufike peni.

Oiwana ei yeenhembuki danakanena oyo tai mono omauwa eshi oonyuni wetu wa ninga okamukunda kamwe. Moule ashike weevili 36 mokufika moilando yaEuropa, ohashi dulika va mone oilonga youyakuli meehotela dopombada. Nande hava longele ondjabi inini, ovayakuli ava otava ulike kutya oshipu oku shi pondola moilando yaEuropa shi dulife moilando ile meedoolopa nomomikunda daAfrika.

Oshimbweenga oshi li nee opo eshi pe na okuhauda ombili mokati kOvaeuropa sha etifwa keyo pombada lomatembu ehe li paveta, unene tuu oku shi talela meenhembuki dOvaafrika di na omalalakano a ngabekwa. Ovaeuropa ve li moluhepo, naavo vehe na oilonga, otava yandje oushima kehapupalo lomatembu aa onga osho tashi va etele omaupyakadi meenghalemwenyo davo. Ovaeuropa vamwepo vomongudu yeliko lopokati, ohava takele omunwe ovatembuki Ovafrika vehe na nepeni, ve wetete kutya ovo tava eta ehapupalo lominyonena momidingonoko davo.

Oilongo ihapu yOvaeuropa, otai tula po omilandu domatembu da nyaa keonga dokushololifa eengudu dovatembuki Ovaafrika tava kongo ouxupilo vaha ye moEuropa. Imwe yomoi longo yOvaeuropa, oko kwa hovela exumokomesho, okudja ngaho okanhunu kaCeuta komunghulofuta waMorocco, osho yo ounhunhu vahapu vaNorway otava kendabala okulyaamena mokutula po omaluumbo eedallate oombali domakia, eelamba hadi tema komudidimbe noufano vo-Tv.

(Adapted opinion piece by Taju Tijani, a member of the Editorial Board of National Daily, a weekly paper published in Lagos.)

- 1 Nyamukula omapulo 1 (a) fiyo (c) mokushanga ashike ondada yenyamukulo lomondjila. Ngaashi: (a) A
- (a) Omushangi ota diladila kutya etembu ohali eta munene omunyonena ...
- A komalongoitavelo.
 - B komaxupilo opashiwana.
 - C komilandu dehongo.
 - D konghalonawa momaumbo. [1]
- (b) Omushangi ota faneke kutya ovanhu ohava tembuka shaashi ova kala ...
- A moilongo youkanyamukulwa.
 - B moiwana opo tai putuka.
 - C monghalo ya nyaa keonga.
 - D mounyuni uhe na ouyuki. [1]
- (c) Okaleshwa otaka faneke kutya eenhembuki ohadi mono omauwa shaashi ...
- A dihapu ohadi dulu okuya komaumbo.
 - B dimwe ohadi shi pondola diva.
 - C ihadi kala vali momikunda.
 - D ohadi yambapala di dulife Ovaeuropa vahapu. [1]
- (d) Omushangi okwa hala okutya ngahelipi eshi ta ti: "Ovaafrika ova kufa eepasporta davo ndele tava ningi shi tika shi ye, ponhele yokukufa ombinga momahoololo"? Yandja oitwa **itatu**. [3]
- (e) Omushangi okwa hala oku tu lombwela shike moshitumbula eshi: "tava i moita nondavi". Shi yelifa **noitya yoye mwene** to yandje oitwa **ivali**. [2]
- (f) Fatulula okambweenga ka longifwa komushangi mokatendo okatihetatu. Yandja oitwa **ivali**. [2]
- [10]**

- 2 Ove omunambelewa mombelewa yOikwameni yOshilongo, ho ungaunga nomaefelo ovatalelipo noonakuuya moshilongo. Owe lineekelelwa u ka popife ovanyasha puimwe yomeefikola ile molupale laaveshe momudingonoko weni. Shanga oshipopiwa, to va shivifile nhumbi sha nyika oshiponga okushuukila koilongo yaEuropa.

Moshipopiwa shoye yelifa nhumbi ovatembuki Ovaafrika:

- ve lidina vo vene
- ve lininga ovanailongo
- ve litula vo vene moshiponga

Longifa ouyelele wa dja mokaleshwa kotete moshipopiwa shoye.

Oule woshipopiwa shoye nau kale pokati koitya **200 – 250**.

[20]

OSHITUKULWA SHA-B

Lesha nawa okaleshwa taka shikula apa ndele to nyamukula omapulo taa ka pulwa.

Okaleshwa 2

Ehokololo lomunyasha Omuafrika a tembukila moEuropa

Omunyasha Ahmedu okwa fikile moSicily momafiku a xuuninwa okufu omudo 2014. Ahmed Jalo a dile koGambia okwa li e na omido 16 eshi a fika metululiloskepa laCatania moSicily, konima yolweendo lodula neemwedi mbali. Mepakumo leisho, ovanambelewa ove mu kufa oufemba nounhu waye eshi ve mu tula mongudu yaavo ve ya moshilongo shihe li paveta. Mokukala mongudu omo, okwa li e li momalimbililo. Okwa li e li kondje yeeveta nomilandu dopanghalafano edi da tambulwa ko moEuropa. Paife nee, ovanambelewa ovanandjungu otava ningi keshe osho tava dulu opo ve mu likalekele aha lumbakane novakwashiwana vaEuropa, omanga tava ningi eemhangela doku mu shunifa koAfrika.

Konima ashike eshi a fika moEuropa, omapandaanda aCatania, oshi shi li oshilando oshitivali mounene muSicily, okwa ninga eumbo laye. Okwa li kwa talala, ye ka li e na oikutu youtalala. Okwa kala ha hade oikulya momalambo oimbodi, ye ta nu omeva mahapu ngaashi tashi dulika e likelele kondjala. Okonyala outalala u nwine ko omeva, shalongo pa li Omusicilia omunamutimanghenda ou e mu pa ouyelele kombinga yoMoski yopokati (ongeleka yOvamoslema) oyo ya li hai yandje omalukalwa opakafimbo.

KoMoski, oko oko nee twa shakanena naAhmedu konima yomafiku onhumba. Omukwatelikomesho womailikano moMoski yopondingandinga, oo e li Omuaraba omunambili nomunamikalo okwe tu endifa noku tu ulukila metungo. Ngaashi naanaa ovatembuki vakwao ovo hanga mo, va li meemhumbwe di lili nodi lili, Ahmendu okwa li ta kwafele okuwapaleka moMoski ongomukalo wokuyandja olupandu laye. Ope na sha shimwe muye osho sha kuma nge. Okwa li e na oshuuluko, mokulihumbata kwaye. Olweendo laye lile okudja keumbo inali teya po engungilo nelineekelo mwene muye. Nonande a li monghalo idjuu ye a djala oikutu yoinyakwi ya ehelwa, Ahmedu okwa fikama e na oshikombe meke a fa omukwaita a hambata eonga. Onda ya ndele handi popi naye. Okwa li ta monika ina mangulukila nge, ye a fa a tila okupopya naame. Eshi nde mu pula edina laye, okwe li lombwela nge onga ta nyamukula omunambelewa. Nelimemesho onda ti ove ombushange. "Otwa pambafana", osho nda ti. Okwe limemesho nokaningilila mo.

Mengungumano laye, onda koneka kutya Ahmedu omulumenhu woikwatya wa sheywa noku na ehokololo tali hokwifa notali nyuwifa omatwi. Onda tokola oku mu pulapula, ashike okwa fiya po onhele konima ashike yokafimbo kaxupi naashi twa ka aluka efiku la landula, otwa li tu na omalimbililo ngeenge ohatu ke mu mona tuu. Manga hatu diladila okufiya po onhele, ombadilila ye okwa mbaduka ko. Ahmedu ka li a hala okupopya nawa. Ovatembukilimo shihelipaveta, ove shi shi nawa kutya okupopya novanhu vehe va shi otashi dulu oku va etela oupyakadi. Nonande ongaho otwa pula ashike komesho. Otwa hovela omapulapulo etu nonande Ahmedu a li ina manguluka nawa, ye oye omudaninghandangala. Omuwiliki womailikano moMoski naye omo a li momapulapulo, ye ha di po ngaho ta ka nyamukula eengodi efimbo nefimbo, ye ta tale kovili yaye monyowa ehe udite ko naanaa kutya oshike tashi fewafewa mokamati aka.

Ahmedu okwa ti oye shiveli, elitado lovakulunhu vaye noku na eendenge nhe. Okwa li e na omukumo wokulonga noudiinini a yambapale, ye a hanganife ovakulunhu vaye ovo va hangika va topoka nokukwafela yo eendenge daye. "Onda hala okuhanga omalalakano ange nokuhafifa ovaneumbo letu", Ahmedu ta ti.

Xe okwe mu lekela nawa, ndele ta i mondjila youpongo ehe na eembapila doufemba ile oimaliwa oyo tai dulu oku mu kwafa a pandakane muAfrika okupitila muSenegal, Mali, Burkina Faso, Niger naLibya. Ahmedu ota dimbulukwa nawa omafimbo madjuu oo a shakeneka molweendo laye, eshi a li a tulwa modolongo kovapolifi ovoidengeli vodi peisho, nouwehame e udite molutu laye molwondjala. Omafimbo mahapu okwa li ashike ha xupu mokunwa omeva. Apa sha li tashi dulika okwa li ha mono oilonga yopakafimbo ongomukwafeli mokakululilo, omushingifi womeva momapandavanda, ile a yakule mokutukula oikulya mokefe e limonene oshimaliwa sha wana oku mu fikifa konhele ya shikula ko. Okwa kala ta xupu shokadila, ehe shi naanaa kutya onaini vali ta ka twikila nolweendo laye oku ka fika koEuropa oko a hala.

Ota dimbuluka nawa oshinenenima molweendo laye, eshi va li va fininikwa mumwe ve fike lwopefele mokawato komunghulofuta wokOumbanganhu waAfrika, omo kashekamukona va file mo omeva. Ovatwaalelwa ova li va finda koEuropa vehe na oimaliwa neembapila domaufemba. Kava li ve na sha shimwe, shihe fi okulitungila ouumbo momhepo ovo omweendanandjila keshe ha kala navo komutima. Omeva okwa li a pumba noikulya oya li ya nyika omahooli. Ahmedu okwa ombokelwa. Konima yokafimbo okawato oka tameka okuninga oumbululu ovo va li tava efele mo omeva kanini nakanini. Ovatwaalelwa ova lombwelwa va longife oukende vavo vomeva opo va tape mo omeva mokawato kaha ningine. A fya outalala, ondjala ye a ngwangwana ehe shi apa eli, Ahmedu okwa xupifwa kovanambeleva vokomunghulofuta waltaly nokwe lihanga muSicily.

Eshi nde mu pula kutya oshike she mu twa omukumo a ye komesho neenghendabala daye, okwa tumbula kutya eitavelo laye, naunene ondjodi yaye yoku ka kwafela vambulavo nokuhanganifa ovakulunhu vaye.

Paushili wo vene, Europa okwa hangika nale a taalelwa komukundu wakula womangafifi ovatembukilimo ovo tave uya mo pehe na olufuwo. Omukundu ou otau hapupala efiku nefiku moku shi talela momakuyunguto muAfrika, oo e li osheetifi shakula shomatembu aa, noitaa ulike nande eshunopedu. Nakutulwe moilonga omulandu womeendelelo tau kalelele, u na ouningilo wokwaamena ovanhu. Okweefa ovanhu va file mefuta laMediterranean ile oku va efa va fye ondjala nova kale momapandavanda kashi fi ekandulepo lomukundu.

(Adapted from an article by Akbar Ahmed, Ibn Khaldun Chair of Islamic Studies, American University, Washington, D.C., The Islamic Monthly, February 20, 2015.)

- 3** Ngonga omalineekelo nomamono oixuna a shakenekwa kaAfrika ovo va ya koEuropa ngaashi sha hokololwa mouleshwa ava vavali. Longifa ouyelele wa dja mouleshwa aveshe menyamukulo loye.

Engongo loye nali kale pokati koitya **250 – 300**.

[20]

- 4** Ngeno oove Ahmedu. Shangela xo ombilive u mu hokololele eshi wa fika nonghalo yoye yopetulilo laCatania moSicily. Longifa ouyelele wa dja mokaleshwa kativali ndele to eta po ombilive dingi nomadiladilo oye mwene.

Oule wombilive yoye nau kale pokati koitya **200 – 250** lwaapo.

[20]

BLANK PAGE

BLANK PAGE

